

# 卷十一

書名 重選唐音大成十四卷附錄一  
 卷 嘉靖五年刊本  
 撰者 明 邵天和 輯  
 卷 卷十一  
 內容分類 集-總集-各代-唐  
 索書號 集部-總集-51  
 編號 D7841400

[彩色首頁1](#)

[東洋文化研究所漢籍目錄 編號: D7841400](#)

[東洋文化研究所漢籍目錄所藏漢籍善本文影像資料庫 索書號: 集部-總集-51](#)

[漢籍善本文影像資料庫文本重選唐音大成十四卷附錄一卷 嘉靖五年刊本](#)

[版權所有: 東京大學 東洋文化研究所](#)

[使用上的注意事項](#)

重選唐音大成卷之一

宜興邵天和節夫編校

始音

從軍行

楊炯


火照西京心中自不平  
 牙璋辭鳳闕鐵騎繞龍城  
 暗凋旗畫風多雜  
 鼓聲寧為百夫長  
 勝作一書生


劉生

本六郡年長入三秦  
 白壁酌知已黃金謝主人  
 生赤電馬足起紅塵  
 日莫歌鍾發喧動四隣

紫騮馬

東方文化學院東京研究所  
No. 2046 プリ.







續選唐音大成卷之十一

補音三

五言律詩

塞下曲

李太白

駿馬似風馳鳴鞭出渭橋彎弓辭漢月插羽破天驕  
車解星芒盡營空海霧消功成畫麟閣獨有霍嫖姚

其二

塞虜乘秋下天兵出漢家將軍分虎竹戰士卧龍沙  
邊月隨弓影胡霜拂劔花玉關殊未入少婦莫長嗟

宜興孫大和節夫編校

宮中行樂詞

小小生金屋盈盈在紫微  
山花插寶髻石竹繡羅衣  
每出深宮裏常隨步輦歸  
只愁歌舞散化作綵雲飛

其二

柳色黃金嫩梨花白雪香  
玉樓巢翡翠金殿鎖鴛鴦  
選妓隨雕輦徵歌出洞房  
宮中誰第一飛燕在昭陽

紫騮馬

紫騮行且嘶雙翻碧玉蹄  
臨流不肯渡似惜錦障泥  
白雪關山遠黃雲海戍迷  
揮鞭萬里去安得念春閨

贈孟浩然

吾愛孟夫子風流天下聞  
紅顏謝軒冕白首卧松雲  
醉月頻中聖迷花不事君  
高山安可仰徒此揖清芬

贈崔秋浦

吾愛崔秋浦宛然陶令風  
門前五楊柳井上二梧桐  
山鳥下廳事簷花落酒中  
懷君未忍去惆悵意無窮

其二

崔令學陶令北牕常晝眠  
抱琴時弄月取意任無絃  
見客但傾酒為官不愛錢  
東臯春事起種黍早歸田

其三

河陽花作縣秋浦玉為人  
地逐名賢好風隨惠化春

水從天漢落山逼畫屏新應念金門客投沙弔楚臣  
贈錢徵君少府

白玉一杯酒綠楊三月時春風餘幾日兩鬢各成絲  
秉燭唯須飲投竿也未遲如逢渭川獵猶可帝王師  
留別龔處士

龔子棲閒地都無人世喧柳深陶令宅竹暗辟疆園  
我去黃牛峽遙愁白帝猿贈君卷薜草心斷竟何言  
送張舍人少江東

張翰江東去正值秋風時天清一鴈遠海闊孤帆遲  
白日行欲暮滄波杳難期吳洲如見月千里幸相思

送友人

青山橫比郭白水遶東城此地一為別孤蓬萬里征  
浮雲遊子意落日故人情揮手自茲去蕭蕭班馬鳴  
送別

斗酒渭城邊壚頭醉不眠梨花千樹雪楊葉萬條煙  
惜別傾壺醕臨分贈馬鞭看君穎上去新月到應圓  
送友人入蜀

見說蠶叢路崎嶇不易行山從人面起雲傍馬頭生  
芳樹籠秦棧春流遶蜀城升沉應已定不必問君平  
送梁四歸東平

玉壺挈美酒送別強為歡  
大火南星月長郊北路難  
殷王期負鼎汶水起垂竿  
莫學東山卧參差老謝安

宴陶家亭子

曲巷幽人宅高門大士家  
池開照膽鏡林吐破顏花  
綠水藏春日青軒祕晚霞  
若聞絃管妙金谷不能誇

早望海霞邊

四明三千里朝起赤城霞  
日出紅光散分輝照雪崖  
一食嚙瓊液五內發金沙  
舉手何能待青龍白虎車

秋登宣城謝朓北樓

江城如畫裏山晚望晴空  
兩水夾明鏡雙橋落彩虹

人煙寒橘柚秋色老梧桐  
誰念北樓上因風懷謝公

金陵

六代興亡國三杯為爾歌  
苑方秦地少山似洛陽多  
古殿吳花草深宮晉綺羅  
併隨人事滅東逝與滄波

尋雍尊師隱居

群峭碧摩天逍遙不記年  
拔雲尋古道倚樹聽流泉  
花暖青牛卧松高白鶴眠  
語來江色暮獨自下寒煙

見野草中有白頭翁者

醉入田家去行歌荒野中  
如何青草裏亦有白頭翁  
折取對明鏡宛將衰鬢同  
微芳似相諗留恨向東風

觀獵

太守耀清威乘間弄晚暉江沙橫獵騎山火遠行圍  
箭逐雲鴻落鷹隨月兔飛不知白日暮歡賞夜方歸

口號贈徵君鴻

陶令辭彭澤梁鴻入會稽我尋高士傳君與古人齊  
雲卧留丹壑天書降紫泥不知揚伯起早晚向關西

晚出左掖

杜子美

晝刻傳呼淺春旗簇仗齊退朝花底散歸院柳邊迷  
樓雪融城濕宮雲去殿底避人焚諫草騎馬欲雞棲  
陪鄭廣文遊何將軍山林

不識南塘路今知第五橋名園依綠水野竹上青霄  
谷口舊相得濠梁同見招平生為幽興未惜馬蹄遙

其二

剝水滄江破殘山碣石開綠垂風折筍紅綻雨肥梅  
銀甲彈箏用金魚換酒來興移無洒掃隨意坐莓苔

重過何氏

問訊東橋竹將軍有報書倒衣還命駕高枕乃吾廬  
花妥鶯捎蝶溪喧獺趁魚重來休沐地真作野人居

其二

山雨樽仍在沙沈榻未移犬迎曾宿客鴉護落巢兒



雲薄翠微寺天清皇子陂向來幽興極步復過東籬  
陪諸貴公子丈八溝携妓納涼晚際遇雨

落日放船好輕風生浪遲竹深留客處荷淨納涼時  
公子調水水佳人雪藕絲片雲頭上黑應是雨催詩  
春望

國破山河在城春草木深感時花濺淚恨別鳥驚心  
烽火連三月家書抵萬金白頭搔更短渾欲不勝簪

歲暮

歲暮遠為客邊隅選用兵烟塵犯雪嶺鼓角動江城  
天地日流血朝廷誰請纓濟時敢愛死寂寞壯心驚

有感

將帥蒙恩澤兵戈有歲年至今勞聖主何以報皇天  
白骨新交戰輪臺舊柘邊乘槎斷消息無處覓張騫

江上

江上日多雨蕭蕭荆楚秋高風下木葉未夜攬貂裘  
勲業頻看鏡行藏獨倚樓時危思報主衰謝不能休

晚行口號

三川不可到歸路晚山稠落鴈浮寒渚飢鳥集成樓  
市朝今日異喪亂幾時休遠愧梁江總還家尚黑頭

春日梓州登樓二首

行路難如此登樓望欲迷身無却少壯跡有但羈樓  
江水流城郭春風入鼓鼙雙雙新燕子依舊已啣泥

自閬州領妻子却赴蜀山行二首

長林偃風色迴復意猶迷衫袂翠微闌馬嚼青草嘶  
棧懸斜避石橋斷却尋溪何日兵戈盡飄零愧老妻

其二

行色逋隱見人烟時有無僕夫穿竹語稚子入雲呼  
轉石驚魑魅抨弓落抗鷲真供一笑樂似欲慰窮途

旅夜書懷

細草微風岸危檣獨夜舟星垂平野闊月湧大江流

名豈文章著官應老病休飄飄何所似天地一沙鷗

覽鏡呈栢中丞

渭水流關內終南在日邊膽消豺虎窟淚入犬羊天  
起晚堪從事行遲更覺仙鏡中衰謝色萬一故人憐

野望

納納乾坤大行行郡國遙雲山兼五嶺風壤帶三苗  
野樹侵江闊春蒲長雪消扁舟空老去無補聖明朝

秦州雜詩

未暇泛滄海悠悠兵馬間塞門風落木客舍雨連山  
阮籍行多興龐公隱不還東柯遂踈懶休鑷鬢毛班

野望因過常少仙

野橋齊度馬秋望轉悠哉竹覆青城合江從灌口來  
入村樵徑引嘗菓栗園開落盡高天日幽人未遣回

徐步

整履步青蕪荒亭日欲晡片泥隨燕尾花蘂上蜂鬚  
把酒從衣濕吟詩信杖扶敢論才見已心實有醉如愚

晚晴

村晚驚風度庭幽過雨霑夕陽薰細草江色映疎簾  
書亂誰能帙盃乾自可添時聞有餘論未怪老夫潛

和裴迪登新津寺寄王侍郎

何恨倚山木吟詩秋葉黃蟬聲集古寺鳥影下寒塘  
風物悲遊子登臨憶侍郎老夫貪佛日隨意宿僧房

范二負外邈吳十侍御郁特枉駕闕展侍聊

寄此作

暫往比鄰去空聞二妙歸幽棲誠簡略衰白已光輝  
野外貧家遠村中好客稀論文或不媿重肯欸柴扉

獨酌

步屨深林晚開樽獨酌遲仰蜂粘落絮行蟻上枯梨  
薄劣慙真隱幽偏得自怡本無軒冕意不是傲當時

春日江村

農務村村急春流岸岸深乾坤萬里眼時序百年心  
茅屋還堪賦桃源自可尋艱難味生理飄泊到如今

暮春題灤西新賃草屋

絳雲陰復白錦樹曉來青身世雙蓬鬢乾坤一草亭  
哀歌時自短醉舞為誰醒細雨荷鋤立江猿吟翠屏

中宵

西閣百尋餘中宵步綺疏飛星過水白落月動沙虛  
擇木知幽鳥潛波想巨魚親朋滿天地兵甲少來書

秋野

易識浮生理難教一物違水深魚極樂林茂鳥知歸

吾老甘貧病榮華有是非秋風吹几杖不厭北山薇  
刈稻了詠懷

稻鑊空雲外川平對石門寒風疎草木旭日散雞豚  
野哭初聞戰樵歌稍出村無家問消息作客信乾坤  
得舍弟消息

近得平陰信遙憐舍弟存側身千里道寄食一家村  
烽舉新酣戰啼垂舊血痕不知臨老日招得幾人魂  
遣興

干戈猶未定弟妹各何之拭淚露巾血梳頭滿面絲  
地卑荒野大天遠暮江遲衰病那能久應無見汝期

春日懷李白

白也詩無敵飄然思不群清新庾開府俊逸鮑參軍  
渭北春天樹江東日暮雲何時一樽酒重與細論文  
所思

鄭老身仍竄台州信始傳為農山澗曲卧六川海雲邊  
世已踈儒素人猶乞酒錢徒勞望斗牛無計斲龍泉  
不見

不見李生久佯狂真可哀世人皆欲殺吾意獨憐才  
敏捷詩千首飄零酒一盃匡山讀書處頭白好歸來  
奉荅岑參補闕見贈

窈窕清禁闕罷朝歸不同君隨丞相後我住日華東  
冉冉柳枝碧娟娟花蕊紅故人得佳句獨贈白頭翁  
寄高三十五詹事

安穩高詹事兵戈久索居時來知宦達歲晚莫情踈  
天上多鴻鴈池中足鯉魚相看過半百不寄一行書  
寄楊五桂州譚

五嶺皆炎熱宜人獨桂林梅花萬里遠雪片一冬深  
聞此寬相憶為邦復好音江邊送孫楚遠附白頭吟  
送翰林張司馬南海勒碑

冠冕通南極文章落上台詔從三殿去碑到百蠻開

野館濃花發春帆細雨來不知滄海上天遣幾時迴

送賈閣老出汝州

西掖梧桐樹空留一院陰艱難歸故里去住損春心  
宮殿青山隔雲山紫邏深人生五馬貴莫受二毛侵

送元二適江左

亂後今相見秋深復遠行風塵為客日江海送君情  
晉室丹陽尹公孫白帝城經過自愛惜取次莫論兵

送韋郎司直歸成都

竄身來蜀地同病得韋郎天下兵戈滿江邊歲月長  
別筵花欲暮春日鬢俱蒼為問南溪竹抽梢合過墻

哭李尚書重題

淚洒不能收哭君餘白頭兒童相顧盡宇宙此生浮  
江雨銘旌濕胡風井徑秋還瞻魏太子賓客咸應劉

登兗州城樓

東郡趨庭日南樓縱目初浮雲連海岱平野入青徐  
孤嶂秦碑在荒城魯殿餘從來多古意臨眺獨躊躇

登岳陽樓

昔聞洞庭水今上岳陽樓吳楚東南坼乾坤日夜浮  
親朋無一字老病有孤舟戎馬關山北憑軒涕泗流

秦州雜詩

莽莽萬重山孤城山谷間無風雲出塞不夜月臨關  
屬國歸何晚樓蘭斬未還烟塵獨長望衰颯正摧顏

山寺

野寺殘僧少山園細路高麝香眠石竹鸚鵡啄金桃  
亂水通人過懸崖置屋牢上方重閣晚百里見纖毫

上牛頭寺

青山意不盡衮衮上牛頭無復能拘礙真成浪出遊  
花濃春寺靜竹細野池幽何處鶯啼切移時獨未休

滕王亭子

寂寞春山路君王不復行古牆猶竹色虛閣自松聲

鳥鵲荒村暮雲霞過客情尚思歌吹入千騎把霓旌

禹廟

禹廟空山裏秋風落日斜荒庭垂橘柚古屋畫龍蛇  
雲氣生虛壁江聲走白沙早知乘四載疏鑿控三巴

公安縣懷古

野曠呂蒙營江深劉備城寒天催日短風浪與雲平  
洒落君臣契飛騰戰伐名維舟倚前浦長嘯一含情

別房太尉墓

他鄉復行役駐馬別孤墳近淚無乾土低空有斷雲  
對墓陪謝傅把劍覓徐君惟見林花落鶯啼送客聞

杜位宅守歲

守歲阿戎家椒盤已頌花盃簪喧櫪馬列炬散林鴉  
四十明朝是飛騰暮景斜誰能更拘束爛醉是生涯  
奉酬李都督表文早春作

力疾坐清曉來詩悲早春轉添愁以客更覺老隨人  
紅入桃花嫩青歸柳葉新望鄉猶未已四海尚風塵

寒食

寒食江村路風花高下飛汀烟輕冉冉竹日淨暉暉  
田父要皆去鄰家問不違地偏相識盡雞犬亦忘歸

人日

元日到人日未有不陰時冰雪鶯難至春寒花較遲  
雲隨白水落風振紫山悲蓬鬢稀疏疎久無勞比素絲

日暮

日落風亦起城頭烏尾訛黃雲高未動白水已揚波  
羗婦語還笑胡兒行且歌將軍別止馬夜出擁雕戈

對雪

戰哭多新鬼愁吟獨老翁亂雲低薄暮急雪舞回風  
瓢棄鐺無綠爐存火似紅數州消息斷愁坐正書空

春夜喜雨

好雨知時節當春乃發生隨風潛入夜潤物細無聲



野徑雲俱黑江船火獨明曉看紅濕處花重錦官城

朝雨

涼氣晚蕭蕭江雲亂眼飄風鴛鴦藏近渚雨燕集深條  
黃綺終辭漢巢由不事堯草堂樽酒在幸得過清朝

題玄武禪師屋壁

何年願虎頭滿壁畫滄洲赤日石林氣青天江海流  
錫飛常近鶴杯度不驚鷗似得廬山路真從惠遠遊

江漢

江漢思歸客乾坤一腐儒片雲天共遠永夜月同孤  
落日心猶壯秋風病欲蘇古來存老馬不必取長途

草堂即事

荒村建子月獨樹老夫家雪裏江船度風前徑竹斜  
寒魚依密藻宿鷺起圓沙濁酒禁愁得無錢何處賒

畏人

早花隨處發春鳥異方啼萬里清江上三年落日低  
畏人成小築褊性合幽棲門徑從榛塞無心待馬蹄

過客相尋

窮老真無事江山已定居地幽忘與櫛客至罷琴書  
掛壁移筐菓呼兒問煮魚時聞繫舟楫及此問吾廬

上韋左相二十韻

鳳曆軒轅紀龍飛四十春八荒開壽域一氣轉鴻鈞  
霖雨思賢佐丹青憶老臣應圖求駿馬驚代得麒麟  
沙汰江河濁調和鼎鼐新韋賢初相漢范叔已歸秦  
盛業今如此傳經固絕倫豫樟深出地滄海闊無津  
北斗司喉舌東方領縉紳持衡留藻鑑聽履上星辰  
獨步才超古餘波德照隣聰明過管輅尺牘倒陳遵  
豈是池中物由來席上珍廟堂知至理風俗盡還淳  
才傑俱登用愚蒙但隱淪長卿多病父子夏索居貧  
迴首驅流俗生涯似衆人巫咸不可問鄒魯莫容身  
感激時將晚蒼茫雖有神為君歌此曲涕淚在衣巾

投歌舒開府翰三十韻

今代麒麟閣何人第一功君王自神武駕馭必英雄  
開府當朝傑論兵邁古風先鋒百戰在略地兩隅空  
青海無傳箭天山早掛弓廉頗仍走敵魏絳已和戎  
每惜河隍棄新兼節制通智謀垂睿想出入冠諸公  
日月低秦樹乾坤繞漢宮胡人愁逐北宛馬又從東  
受命邊沙遠歸來御席同軒墀曾寵鶴畋獵舊非熊  
茅上加名數山河誓始終策行遺戰伐契合動昭融  
勲業青冥上交親氣槩中未為珠履客已是白頭翁  
壯節初題柱生涯獨轉蓬幾年春草歇今日暮途窮

軍事留孫楚行間識呂蒙防身一長劍將欲倚崐峒  
奉送郭中丞兼太僕卿充隴右節度使三十

韻

詔發西山將秋屯隴右兵淒涼餘部曲燁赫舊家聲  
鷓鴣乘時去驂騑顧主鳴艱難湏上策容易即前程  
斜日當軒蓋高風捲旆旌松悲天水冷沙亂雪山清  
和虜猶懷惠防邊詎敢驚古來於異域鎮靜示專征  
燕薊奔封豕周秦觸駭駭中原何慘黷餘孽尚縱橫  
箭入昭陽殿船吟細柳營內人紅袖泣王子白衣行  
宸極妖星動園林殺氣平空餘金椀出無復總惟輕

毀廟天飛雨焚官火徹明果思朝共落橈桷夜同傾  
三月師逾整群胡勢就烹瘡痍親接戰勇決冠垂成  
抄譽期元宰殊恩且列卿幾時回節鉞戮力掃攬槍  
圭竇三千士雲梯七十城耻非齊說客甘似魯諸生  
通籍微班忝周行獨坐榮隨肩趨漏刻短髮寄簪纓  
徑欲依劉表還疑厭禰衡漸衰那此別忍淚獨含情  
廢邑狐狸語空村虎豹爭人頻墜塗炭公豈忘精誠  
元帥調新律前軍壓舊京安邊仍扈從莫作後功名

謁先主廟

慘淡風雲會乘時各有人力侔分社稷志屈偃經綸

復漢留長策中原仗老臣雜耕心未已歐血事酸辛  
霸氣西南歇雄圖歷數屯錦江元過楚劍閣復通秦  
舊俗存祠廟空山立鬼神虛簷交鳥道枯木半龍麟  
竹送青溪月苔移玉座春閭閻兒女換歌舞歲時新  
絕域歸州遠荒城繫馬頻如何對搖落况乃久風塵  
孰與關張並功臨耿鄧親應天才不小得士契無隣  
遲暮堪幃幄飄零且釣緡向來憂國淚寂寞洒衣巾

寒食直歸遇雨

韓退之

寒食時看度春遊事已遠風光連日直陰雨半朝歸  
不見紅毬上那看綵索飛惟將新賜火向曙着朝衣

送李六協律歸荆南

早日羈遊所春風送客歸柳花還漠漠江燕正飛飛  
歌舞知誰在賓僚逐使非宋亭池水綠莫忘蹋芳菲

晚泊江口

郡城朝解纜江岸暮依村二女竹上淚孤臣水底冤  
雙雙歸鰓燕一一叫群猿迴首那聞語空看別袖翻  
晚寄張十八助教周郎博士

日薄風景曠出歸偃前簷晴雲如擘絮新月似磨鑣  
田野興偶動衣冠情夕馱吾生可攜手歎息歲將淹

郴州祈雨

乞雨女郎竟包羞潔且繁廟開鼯鼠叫神降越巫言  
早氣期消蕩陰官想駿奔行看五馬入蕭颯已隨軒  
同李二十八夜次襄城

周楚仍連接川原乍屈盤雲垂天不暖塵漲雪猶乾  
印綬歸台室旌旗別將壇欲知迎候盛騎火萬星攢  
送李員外院長分司東都

去年秋露下羈旅遂東征今歲春光動驅馳別二京  
飲中相顧色送後獨歸情兩地無千里因風數寄聲  
詠燈花同侯十一

今夕知何夕花然錦帳中自能當雪暖那肯待春紅

黃裏排金粟釵頭綴玉蟲更煩將喜事來報主人公

秋字

淮南悲木落而我亦傷秋况與故人別那堪羈宦愁  
榮華今異路風雨苦同憂莫以宜春遠江山多勝遊  
次石頭驛寄江西三十中丞閣老

憑高試迴首一望豫章城人由戀德泣馬亦別群鳴  
寒日夕始照風江遠漸平默然都不語應識此時情

宿龍宮灘

浩浩復湯湯灘聲抑更揚奔流疑激電驚浪似浮霜  
夢覺燈生暈宵殘雨送涼如何連曉語一半是思鄉

獨釣三首

侯家林館勝偶入得垂竿曲樹行藤角平池散英盤  
羽沉知食駛縉細覺牽難聊取夸兒女榆條繫從鞍

其二

一逕向池斜池塘野草花雨多添柳耳水長減蒲芽  
坐厭親刑柄偷來傍釣車太平公事少吏隱詎相賒

其三

獨往南塘上谿長景氣醒露排雙岸草風約半池萍  
鳥下見人寂魚來聞餌馨所嗟無可召不得倒吾餅

祖席得前字

祖席洛橋邊親交共黯然野晴山簇簇霜曉菊鮮鮮  
書寄相思處盃銜欲別前淮陽知不薄終願早迴船

杏園送張徹侍御歸使

東風花樹下送爾出京城夕抱傷春意新添惜別情  
歸來身已病相見眼還明更遣將詩酒誰家逐後生

送桂州嚴大夫

蒼蒼森八桂茲地在湘南江作青羅帶山如碧玉簪  
戶多輸翠羽家自種黃柑遠勝登仙去飛鸞不假驂

和僕射相公朝迴見寄

盡瘁年将久公今始暫閑事隨憂共減詩與酒俱還

放意機衡外收身矢石間秋臺風日迥正好看前山  
奉和兵部張侍郎酬鄆州馬尚書抵召途中  
見寄開緘之日馬帥已再領鄆州之作

來朝當路日承詔改轅時再領須句國仍遷少昊司  
暖風抽宿麥清雨卷歸旗賴寄新珠玉長吟慰我思

詠雪贈張籍

只見縱橫落寧知遠近來飄飄還自弄歷亂竟誰催  
座暖銷那怪池清失可猜坳中初蓋底垓處遂成堆  
慢有先居後輕多去却迴度前鋪瓦隴發本積墻隈  
穿細時雙透乘危忽半摧舞深逢坎井集早值層臺

砧練終宜擣階紈未暇裁寒裝睥睨樹凍裹莓苔  
片片勻如翦紛紛碎若按定非燭鷓鴣真是屑瓊瑰  
緯繡覲朝萼冥茫矚晚光當窓恒凜凜出戶即皚皚  
壓野榮芝菌傾都委貨則娥嬉華蕩漾脊怒浪崔嵬  
磧迴疑浮地雲平想輾雷隨車翻縞帶逐馬散銀盃  
萬屋漫迷合千株照曜開松篁遭挫抑糞壤獲饒培  
隔絕門庭遽擠排陛級纒豈堪裨嶽鎮強欲效鹽梅  
隱匿瑕疵盡包羅委瑣該誤雞宵呢嗟驚雀暗徘徊  
浩浩過三暮悠悠匝九垓鯨鯢陸死骨玉石火炎灰  
厚慮填溟壑高愁眩斗魁日輪埋欲側坤軸壓將頽

岸類長蛇攪陵猶巨象逐水官夸傑黠木氣怯胚胎  
着地無由卷連天不易推龍魚冷蟄苦虎豹餓號哀  
巧借奢華便專繩困約災威貪陵布被光肯離金壘  
賞玩捐他事歌謠放我才任教詩碑硯興與酒陪  
惟子能諳耳諸人得語哉助留風作黨勸坐火為媒  
雕刻文刀利搜求智網恢莫煩相屬和傳示及提孩

石鼎聯句

巧匠斲山骨剗中事前烹師直柄未當權塞口且吞  
聲喜龍頭縮菌蠢豕腹漲彭亨彌外苞乾鮮剝中有  
暗浪驚師在傾足自歛遭焚意彌真喜謬當鼎鼐間

妄使水火爭彌大似烈士膽圓如戰馬纓師上比香

爐尖下與鏡面平喜秋瓜未落蒂凍芋強抽萌彌

塊元氣閉細泉幽竇傾師不值輸寫處焉知懷抱清

喜方當洪鑪然益見小器盈彌院院無刃迹團團類

天成師遙疑龜負圖出曝曉正晴喜旁有雙耳穿亡

為孤髻撐彌或訝短尾銚又似無足錙師可惜寒食

毬擲此傍路坑喜何當出灰地無計離餅罌彌陋質

荷斟酌俠中愧提擎師豈能煮仙藥但未汗羊羹喜

形模婦女笑度量兒童輕彌徒示堅重性不過升合

盛師傍似廢轂仰側見折軸橫喜時於蚯蚓竅微作



蒼蠅鳴彌以茲翻溢愆實負任使誠師常居顧眄地  
敢有瀆浪情喜寧依暖熟弊不與寒涼并彌區區徒  
自效瑣瑣不足呈喜迴旋但兀兀開闔惟鏗鏗師全  
勝瑚璉貴空有口傳名豈比俎豆古不為手所撻磨  
礮去圭角浸潤著光精願君莫嘲諷此物方施行彌

關雞聯句

大雞昂然來小雞竦而待愈崢嶸顛盛氣洗刷凝鮮  
彩高行若矜豪側睨如同殆愈精光目相射劔戟  
心多郊既取冠為胄復以距為鏃天時得清寒地  
利挾爽塏愈磔毛各噤瘁怒瘦爭硯磊俄膺忽爾低

植立瞥而改郊膈膊戰聲喧續翻落羽雉中休事未  
决小挫勢益倍愈妬腸務生敵賊性專相醜裂血失  
鳴聲啄殺甚飢餒郊對起何急驚隨旋誠巧給毒打  
飽李陽神搥困朱亥愈惻心我以仁碎首爾何罪獨  
勝事有然旁驚汗流浼郊知雄欣動顏怯負愁看胸  
爭觀雲填道助叫波翻海愈事爪深難解噴晴時未  
怠一噴一醜然再接再礪乃郊頭垂碎丹砂翼搥拖  
錦綵連軒尚賈餘清厲比歸凱愈選俊感收毛受恩  
慙始隗英心甘鬪死義肉恥庖宰君看鬪雞篇短韻  
有奇採郊

續選唐音大成卷之十一終



續選唐音大成卷之十一



